



Nuuk, 11. januar 2010

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

**B52-ip Pituffiup eqqaani nakkarnerani qaartartut sisamaasa qaqinneqarsimanginneranik DIIS-ip nalunaarusiaani oqaatigineqartoq Naalakkersuisut akueralugu maliinnarniarpaat?**

**Pituffiup eqqaani imartani, uumasuni inunnilu plutonimeqassuseq pillugu qallunaat naalakkersuisoqarfii amrikarmiullu peqatigalugit misissuisoqarnissaanut Naalakkersuisut suliniuteqarniarpat?**

(Inatsisartuni ilaasortaq Aleqa Hammond, Siumut)

**Tungavilersuut:**

B-52-ip Pituffiup eqqaani nakkarnerata kingorna qaartartorsuit sisamaata qaqinneqarsimanginneranut apeqqummi DIIS-ip nalunaarusiaani oqaatigineqarpoq qaartartut tamarmik suujunnaarsimasut sakkutullu naatsorsuutigineqarunnaarsimallutik aammalu Naalakkersuisut Per Stig Møller peqatigalugu nalunaarusiaq tikilluaqquneqarsimasoq oqaatigineqarpoq.

Ilanngullugu Naalakkersuisut siulittaasuata nunanut allanut tunngasunut nalunaarutigisaani inatsisartunut agguassami allassimavoq, Naalakkersuisut Danmarkimi nunanut allanut Peqqissutsimut oqartussaasut peqatigalugit amerikarmiunut saaffiginnissutaaniartoq ilumut peqqissutsimut tunngasutigut misissuisoqassanersoq, tassungalu tunngatillugu apeqqutigiumavara Naalakkersuisut qaqugu misissuisoqarnissaanik suliniuteqalersaarnersut?

Eqqaasitsissutigissangakku ullut qulit suliffiusut qaangiutsinnagit apeqqutigita akineqarsimassasoq.

Ikinngutinnersumik inuulluaqqusillunga  
Aleqa Hammond, Siumut